

27. Posto de traballo: xefe de unidade de Rairiz de Veiga.

Adxudicatario: deserto.

28. Posto de traballo: xefe de unidade de Sarreaus.

Adxudicatario: deserto.

29. Posto de traballo: xefe de unidade de Vilar de Barrio.

Adxudicatario: deserto.

Resolución do 20 de decembro de 2007, da División de Recursos Humanos e Desenvolvemento Profesional, pola que se convoca concurso de traslados para a provisión de prazas de pediatras de atención primaria deste organismo.

Coa finalidade de garantir o dereito á mobilidade voluntaria do persoal estatutario recoñecido no Estatuto Marco, o artigo 27 do Decreto 206/2005, do 22 de xullo, de provisión de prazas de persoal estatutario do Servizo Galego de Saúde, prevé a convocatoria periódica, preferentemente cada dous anos, dun concurso de traslados.

Convocado mediante a resolución da secretaría xeral do 22 de decembro de 2006, o proceso selectivo da categoría de pediatras de atención primaria do organismo correspondente á oferta de emprego público do ano 2006, procede convocar o correspondente concurso de traslados que posibilite ao persoal estatutario do Servizo Galego de Saúde así como ao doutros servizos de saúde, o exercicio do dereito á mobilidade, e permita unha resolución simultánea, en canto aos prazos de toma de posesión, de ambos os dous procedementos de provisión de prazas.

Polo tanto, este centro directivo, logo da negociación coa representación sindical no seo da mesa sectorial de negociación e no uso das competencias atribuídas polo Decreto 46/2006, do 23 de febreiro, polo que se establece a estrutura orgánica do Servizo Galego de Saúde,

RESOLVE:

Artigo 1º

Publicar a convocatoria do concurso de traslados para a provisión das prazas de persoal estatutario do Servizo Galego de Saúde da categoría de pediatra de atención primaria, así como aprobar as bases e baremo de méritos que rexerán a convocatoria, contidos respectivamente nos anexos I e II desta.

Artigo 2º

1. Esta convocatoria e as súas bases vinculan a Administración e os que participen nela.

2. Contra esta resolución, que pon fin á vía administrativa, poderá interpoñerse recurso contencioso-administrativo ante a Sala do Contencioso-Adminis-

trativo do Tribunal Superior de Xustiza de Galicia, no prazo de dous meses contados a partir do seguinte ao da súa publicación no *Diario Oficial de Galicia*. Potestativamente, no prazo dun mes poderá interpoñerse recurso de reposición ante este centro directivo.

3. Así mesmo, cantos actos administrativos sexan producidos pola División de Recursos Humanos e Desenvolvemento Profesional do Servizo Galego de Saúde poderán ser impugnados polos interesados de acordo co establecido na Lei 30/1992, do 26 de novembro, de réxime xurídico das administracións públicas e do procedemento administrativo común.

4. Os recursos contencioso-administrativos que se interpoñan contra esta convocatoria ou calquera acto integrante do concurso de traslados serán anunciados no *Diario Oficial de Galicia* para os efectos de localización aos posibles interesados.

Santiago de Compostela, 20 de decembro de 2007.

Antonio José Fernández Paniagua
Director xeral da División de Recursos Humanos e
Desenvolvemento Profesional

ANEXO I

Bases:

Primeira.-*Normas xerais.*

1.1. Convócanse, para a súa provisión, as prazas básicas vacantes de persoal estatutario do Servizo Galego de Saúde da categoría de pediatra de atención primaria que, para cada centro, se especifican no anexo III desta resolución.

1.2. O concurso rexeráse polas presentes bases así como polo establecido no artigo 37 da Lei 55/2003, do 16 de decembro, do estatuto marco do persoal estatutario dos servizos de saúde, e os artigos 27 e seguintes do Decreto 206/2005, do 22 de xullo, antes citado.

Segunda.-Persoal que poderá participar voluntariamente no concurso de traslados.

Poderá participar voluntariamente no concurso de traslados o seguinte persoal estatutario fixo:

2.1. O persoal estatutario fixo desta ou homologada categoría, que se atope desempeñando ou teña praza reservada nas institucións sanitarias dos servizos de saúde do Sistema Nacional de Saúde, sempre que teña tomado posesión da praza estatutaria cun ano de antelación, como mínimo, ao remate do prazo de presentación de solicitudes para participar neste concurso.

2.2. O persoal estatutario fixo dos servizos de saúde do Sistema Nacional de Saúde en situación distinta á de activo e que non teña reserva de praza da mesma ou homologada categoría, sempre que reúna os requisitos legais e regulamentarios para incorporarse ao servizo activo o último día do prazo de presentación de solicitudes para participar neste concurso.

2.3. De conformidade co establecido na disposición adicional segunda do Decreto 206/2005, do 22 de

xullo, para a provisión de prazas das unidades e servizos de atención primaria tamén poderán participar os pediatras estatutarios de zona, en igualdade de requisitos e condicións que o resto do colectivo.

Terceira.-Persoal que deberá participar obrigatoriamente no concurso de traslados.

Deberá participar obrigatoriamente no concurso de traslados o persoal estatutario fixo que se atope en situación de reingreso provisional ao servizo activo no Servizo Galego de Saúde, debendo solicitar necesariamente, por orde de preferencia, todas as prazas da súa categoría, convocadas na área de saúde á que pertenza a praza que desempeña con carácter provisional. O reingresado provisional que non obteña praza definitiva neste concurso, tendo solicitadas todas as da súa categoría, convocadas na área de saúde de pertenza, poderá optar por obter novo destino provisional nalgunha das prazas que resulten vacantes como consecuencia da resolución deste concurso ou pasar á situación de excedencia voluntaria. O reingresado provisional que non participe neste concurso ou non obteña praza e non solicitase todas as da súa categoría, convocadas na área de saúde de pertenza será declarado de oficio en situación de excedencia voluntaria.

Cuarta.-Orde de prelación para a adxudicación de prazas.

4.1. As prazas serán adxudicadas aos concursantes de acordo co baremo de méritos que se publica como anexo II desta resolución.

4.2. Serán valorados unicamente os méritos acreditados ata o día inmediato anterior, inclusive, ao da publicación desta resolución no *Diario Oficial de Galicia*.

4.3. En caso de empate na puntuación final, resolverase a prol do concursante que acredite máis tempo traballado como persoal estatutario fixo. De persistir o empate resolverase a prol da mellor puntuación de cada un do resto das epígrafes do baremo e pola súa orde. Por último, decidirá a maior idade.

Quinta.-Solicitudes.

5.1. Cada concursante deberá cubrir unha única solicitude, seguindo as instrucións que se establecen no anexo V e utilizando o modelo de solicitude que figura na páxina web do Servizo Galego de Saúde (WWW@sergas.es), debendo imprimirse un modelo orixinal obtido directamente da impresora.

A solicitude cubrirase respectando estritamente a codificación que identifica a cada centro e a cada localidade e réxime de xornada nas diferentes xerencias de atención primaria.

Serán desestimadas, sen máis trámite, as solicitudes que conteñan algunha emenda, marca ou rasadura, tanto na solicitude como nalgunha das follas de petición de prazas ou no certificado ou en calquera dos documentos anexos á solicitude a que se fai referencia na base sexta, sempre que non se encontren salvados baixo sinatura.

5.2. Os participantes poderán solicitar, por orde de preferencia, todas as prazas que consideren convenientes, tanto das ofertadas no anexo III desta resolución, como daquelas outras non ofertadas indicadas no anexo IV.

5.3. A solicitude de praza nun centro de atención primaria supón a petición da totalidade das prazas do mesmo réxime de xornada convocadas nel, así como as que queden vacantes do mesmo réxime de xornada no devandito centro como consecuencia da resolución do concurso e, polo tanto, sexan susceptibles de seren adxudicadas en resultas.

5.4. As solicitudes, que deberán dirixirse á División de Recursos Humanos e Desenvolvemento Profesional do Servizo Galego de Saúde (San Lázaro, s/n, 15703 Santiago de Compostela), poderán ser presentadas nos centros que se relacionan a continuación ou a través de calquera dos procedementos do artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, advertíndose que na folla ou follas, de ser o caso, da solicitude de admisión ao presente concurso debe figurar o selo do rexistro, quedando os orixinais en poder da Administración e expedindo copia para os interesados:

- a) Na Consellería de Sanidade.
- b) Nas delegacións provinciais da Consellería de Sanidade.
- c) Nas direccións provinciais do Servizo Galego de Saúde.
- d) Nos servizos de persoal dos centros ou complexos hospitalarios do Servizo Galego de Saúde.
- e) Nos servizos de persoal das xerencias de Atención Primaria do Servizo Galego de Saúde.

5.5. De conformidade co establecido no artigo 29.1º do Decreto 206/2005, do 22 de xullo, antes citado, o prazo de presentación da solicitude, á que deberá unirse necesariamente toda a documentación que se achegue, será dun mes contado desde o día seguinte ao da publicación desta convocatoria no *Diario Oficial de Galicia*.

5.6. Durante o prazo de presentación de solicitudes, os participantes poderán retirar ou modificar as súas solicitudes mediante a presentación dunha nova, que anulará totalmente a anterior. Transcorrido o prazo de presentación de solicitudes, non se admitirá nin a modificación ou retirada da solicitude nin a presentación de novos documentos.

Sexta.-Documentación.

1. Todos os participantes, con carácter xeral, deberán presentar a seguinte documentación:

- I) Fotocopia do documento nacional de identidade ou pasaporte.
- II) Copia compulsada do seu nomeamento en propiedade na categoría.

III) Certificación orixinal expedida polo servizo de persoal do centro en que actualmente presta os seus servizos, conforme o modelo que se xunta como anexo VI á esta resolución.

IV) Copia compulsada, de ser o caso, dos diplomas acreditativos de ter superados os cursos de coñecemento da lingua galega.

V) Documentación orixinal ou fotocopias compulsadas dos méritos alegados.

Deberá presentarse copia traducida por tradutor xurado daqueles títulos ou certificacións que estean redactados nun idioma distinto a calquera dos oficiais do Estado español.

Respecto dos traballos científicos e de investigación redactados nun idioma distinto a calquera dos oficiais do Estado español, non será necesario presentar copia traducida por tradutor xurado.

Polo que se refire aos traballos publicados en revistas, tan só será necesario presentar fotocopia compulsada das follas nas que conste o nome da revista, o título do traballo, o seu autor e a data de publicación.

En relación cos capítulos de libros, será suficiente presentar fotocopia compulsada das follas nas que conste o título do libro, o título do capítulo, o autor, o depósito legal do libro e/ou o ISBN e a data de publicación.

Por último, en relación cos libros será suficiente presentar fotocopia compulsada das follas nas que conste o título do libro, o sumario ou índice deste, o seu autor, o seu depósito legal e/ou o ISBN e a data de publicación.

2. O persoal con nomeamento estatutario fixo na categoría, deberá xuntar ademais copia compulsada do seu último nomeamento en propiedade (no suposto de non corresponder co seu nomeamento inicial na categoría).

3. O persoal en situación de excedencia presentará ademais copia compulsada da resolución na que se lle concedeu.

4. O persoal en reingreso provisional, presentará ademais copia compulsada da resolución pola cal se lle autorizou o reingreso.

Sétima.-Resolución do concurso.

7.1. Rematado o prazo de presentación de solicitudes e á vista das prazas solicitadas polos concursantes, así como dos méritos alegados e acreditados, procederase á súa baremación.

7.2. Rematada a dita baremación, a División de Recursos Humanos e Desenvolvemento Profesional do Servizo Galego de Saúde, aprobará a resolución provisional do concurso, que será publicada no *Diario Oficial de Galicia*.

7.3. De conformidade co establecido no artigo 29.2º do Decreto 206/2005, do 22 de xullo, antes citado, os concursantes disporán dun prazo de quince días hábiles, contados a partir do día seguinte ao da súa publicación, para formularen reclamacións contra a resolución provisional. As citadas reclamacións serán rexeitadas ou admitidas na resolución definitiva que será aprobada pola autoridade convocante e publicarase na mesma forma en que o foi a convocatoria do concurso. Esta publicación servirá de notificación aos interesados e, a partir dela, empezarán a contarse os prazos establecidos para que os organismos afectados efectúen as actuacións administrativas procedentes.

7.4. Conforme o establecido no artigo 29.4º do citado Decreto 206/2005, do 22 de xullo, as prazas adxudicadas definitivamente serán irrenunciabes agás que a dita renuncia, estea motivada pola obtención de praza en virtude da resolución dun procedemento de mobilidade voluntaria convocado por outra Administración pública ou servizo de saúde.

Oitava.-Efectos derivados do concurso.

8.1. Os concursantes que obteñan praza deberán cesar na que, se é o caso, desempeñan dentro dos tres días hábiles seguintes a aquel en que se publique a resolución definitiva.

8.2. A toma de posesión da nova praza deberá efectuarse dentro dos tres días hábiles seguintes ao do cesamento, se a praza desempeñada e a adxudicada son da mesma área de saúde; no prazo de quince días hábiles se as prazas son de distinta área de saúde dentro do Servizo Galego de Saúde ou no prazo dun mes se a praza desempeñada corresponde a outro servizo de saúde. Para estes efectos, entenderase por praza desempeñada a efectivamente ocupada, con independencia de que sexa en condición de destino definitivo, adscrición ou destino provisional ou comisión de servizos. Non disporán de ningún dos prazos posesorios sinalados aqueles adxudicatarios de praza no concurso que xa viñeran ocupando praza no mesmo centro de destino ou localidade, en virtude de comisión de servizos ou reingreso provisional.

8.3. No caso de que a adxudicación da praza supoña o reingreso ao servizo activo, o prazo de toma de posesión será dun mes, contado a partir do día seguinte ao da publicación da resolución definitiva do concurso.

8.4. O prazo de cesamento iniciarase cando finalice o permiso ou licenza que, se é o caso, fose concedido ao interesado, agás que por causas xustificadas se acorde suspender o seu desfrute.

8.5. Se así o permiten as necesidades do servizo e por petición do interesado, o prazo de toma de posesión poderá ser prorrogado polo órgano convocante.

8.6. Cando un concursante non tome posesión da súa nova praza dentro do prazo ou, se é o caso, da prórroga que pola súa petición motivada se lle tivera concedido, entenderase que solicita a excedencia volun-

taria por interese particular como persoal estatutario, e será declarado en tal situación polo órgano convocante do concurso.

Non obstante o anterior, se existiran causas suficientemente xustificadas, así apreciadas, logo da audiencia do interesado, pola División de Recursos Humanos e Desenvolvemento Profesional do Servizo Galego de Saúde, poderase deixar sen efecto a devandita situación. Neste caso o interesado deberá incorporarse ao seu novo destino tan pronto desaparezan as causas que no seu momento o impediron.

8.7. Agás cando a resolución do concurso implique o reingreso ao servizo activo, o prazo de toma de posesión e, se é o caso, a prórroga deste, terá a consideración de servizo activo, percibíndose os correspondentes haberes conforme ás normas establecidas na vixente orde pola que se ditan instrucións sobre a confección de nóminas de persoal ao servizo da Administración autonómica.

8.8. Esta convocatoria resolverase de modo simultáneo, en canto á toma de posesión dos novos destinos, respecto do proceso selectivo convocado pola resolución da Secretaría Xeral do Servizo Galego de Saúde do 22 de decembro de 2006.

Novena.-Normas derradeiras.

9.1. A comisión encargada da baremación de méritos neste concurso de traslados, será nomeada co ámbito que acorde a autoridade convocante. En tal comisión participarán dous representantes designados polas organizacións sindicais presentes na mesa de negociación.

Esta comisión terá a condición de primeira categoría para os efectos do disposto no Decreto 144/2001, do 7 de xuño, sobre indemnizacións por razón do servizo ao persoal con destino na Administración autonómica de Galicia (DOG nº122, do 25 de xuño).

9.2. De conformidade co establecido no artigo 16.º do Decreto legislativo 1/1992, do 11 de abril, polo que se aproba o texto articulado das bases contidas no capítulo III do título II da Lei 13/1991, do 9 de decembro das taxas, prezos e exaccións reguladoras da Comunidade Autónoma de Galicia, serán gratuítas todas as compulsas e certificacións que sexan expedidas polos distintos centros de gasto do Servizo Galego de Saúde ao persoal estatutario fixo que participe no concurso.

9.3. Os traslados derivados deste concurso teñen carácter voluntario, non xerando dereito a indemnización ningunha.

9.4. O persoal que a través deste concurso obteña destino definitivo nun centro de atención primaria do Servizo Galego de Saúde quedará suxeito á ordenación da atención primaria na Comunidade Autónoma de Galicia que resulte do Decreto 200/1993, do 29 de xullo, e normativa que o desenvolve.

ANEXO II

Baremo de méritos (210 puntos)

1. Experiencia profesional: (ata un máximo de 170 puntos)

1. Servizos prestados como persoal estatutario fixo:

1.1. Por cada mes completo de servizos prestados como persoal estatutario fixo na categoría na que concursa en institucións sanitarias do Sistema Nacional de Saúde: 0,50 puntos/mes.

1.2. Por cada mes completo de servizos prestados como persoal estatutario fixo noutra categoría en institucións sanitarias do Sistema Nacional de Saúde: 0,20 puntos/mes.

2. Servizos prestados como persoal estatutario temporal: (ata un máximo de 34 puntos).

2.1. Por cada mes completo de servizos prestados como persoal estatutario temporal na categoría na que se concursa en institucións sanitarias do Sistema Nacional de Saúde: 0,20 puntos/mes.

2.2. Por cada mes completo de servizos prestados como persoal estatutario temporal noutra categoría en institucións sanitarias do Sistema Nacional de Saúde: 0,10 puntos/mes.

Os servizos prestados con nomeamento de atención continuada ou gardas en urxencias extrahospitalarias computaranse co criterio de equivalencia dun mes completo por cada 130 horas traballadas no devandito mes, ou a parte proporcional que corresponda á fracción. Se dentro dun mes natural se realizaron máis de 130 horas, soamente poderá valorarse un mes de servizos prestados, sen que o exceso de horas efectuado poida ser aplicado para o cómputo de servizos prestados noutro mes.

Salvo para os nomeamentos de atención continuada ou gardas en urxencias extrahospitalarias, o cómputo dos servizos prestados efectuarase por meses. Para iso calcularase en cada punto do baremo o número total de días e dividirase entre 30, de tal xeito que o que se valorará en cada punto será o cociente enteiro, desprezándose os decimais.

2. Coñecemento da lingua galega: (ata un máximo de 10 puntos).

-Pola acreditación da superación do curso de iniciación da lingua galega: 5 puntos.

-Pola acreditación da superación do curso de perfeccionamento da lingua galega: 10 puntos.

A valoración do curso de perfeccionamento exclúe a valoración do de iniciación.

3. Formación: (ata un máximo de 20 puntos).

3.1. Especializada:

a) Por ter completado o período como residente do programa MIR (en España ou país da Unión Europea) ou ben ter completado o período de formación como

residente nun centro estranxeiro cun programa recoñecido de docencia para posgraduados na especialidade á que se presente e co título validado polo Ministerio de Educación e Ciencia: 7 puntos.

b) Por ter obtido o título da especialidade como consecuencia de acceder, con anterioridade á entrada en vigor do Real decreto 127/1984, do 11 de xaneiro, a unha praza de especialista en formación, convocada por algunha das administracións públicas ou institucións sanitarias concertadas con estas e que acrediten ter realizado de xeito ininterrompido e baixo un mesmo réxime docente os anos de formación establecidos para a correspondente especialidade, mediante nomeamento ou contrato de bolsa docente expedido pola devandita Administración que implique relación profesional retribuída periodicamente con cargo aos seus orzamentos: 7 puntos

A puntuación dos puntos a) e b) son excluíntes entre si.

3.2. Continua:

-Pola asistencia, debidamente xustificada, a cursos de formación e perfeccionamento acreditados pola Comisión de Formación Continuada do Sistema Nacional de Saúde ou pola Comisión Autonómica, sempre que teñan un contido relacionado coas funcións propias da categoría e que estean dirixidos directamente á categoría á que se opta.

-Pola asistencia, debidamente xustificada, a cursos de formación e perfeccionamento convocados e impartidos pola Administración estatal, autonómica, universidades, Inem, Cruz Vermella, colexios profesionais, organizacións sindicais ou avalados polo Servizo Galego de Saúde, sempre que teñan un contido relacionado coas funcións propias da categoría e que estean dirixidos directamente á categoría á que se opta.

-Pola asistencia, debidamente xustificada, a cursos de formación continuada realizados en aplicación dos acordos de formación continuada das administracións públicas, sempre que teñan un contido relacionado coas funcións propias da categoría e que estean dirixidos directamente á categoría á que se opta.

-Por crédito: 0,25 puntos.

-Por hora: 0,025 puntos.

Para o caso de que o certificado indique os créditos e as horas de duración, a valoración será realizada sempre polos créditos que figuren neste.

Só se valoraran os cursos de formación realizados con posterioridade á obtención do título exixido para o acceso á especialidade á que se opta.

Os cursos de prevención de riscos e de informática valoraranse en todas as categorías ou especialidades. Igualmente serán valorados os cursos de xestión clínica.

3.3. Posgrao:

-Exame de grao ou tesina: 1 punto.

-Premio extraordinario: 2 puntos.

-Pola realización dos cursos monográficos de doutoramento ou dos cursos do terceiro ciclo: 5 puntos.

-Por acreditar a suficiencia investigadora: 8 puntos.

-Grao de doutor: 15 puntos.

A valoración da suficiencia investigadora excluírá a valoración dos cursos de doutoramento ou do terceiro ciclo. A valoración do grao de doutor excluírá a valoración dos cursos de doutoramento ou do terceiro ciclo e da suficiencia investigadora.

4. Outras actividades: (ata un máximo de 10 puntos).

Por traballos científicos e de investigación directamente relacionados coa categoría de que se trate, apreciados libremente pola comisión de baremación, conforme os seguintes criterios e táboa de valoración:

-Publicación revista: 0,50 puntos.

-Capítulo de libro: 1 punto.

-Libro completo: 3 puntos.

Non se poderán valorar máis de tres capítulos dun mesmo libro.

ANEXO III Prazas ofertadas

X.A.P. A Coruña

Cód. praza	Centro	Quenda	Prazas
677477	Arteixo	D	2
679861	Carballo-Malpica	M	1
679125	Cee	M	1
677147	Culleredo	D	1
679160	Fisterra	M	1
679843	Muxía-Dumbría	M	1
679480	O Castrillón	M	1
677196	Oleiros-Perillo	D	1
679266	Ponteceso	M	1
679255	Vimianzo	M	1
679257	Zas	M	1

Área sanitaria Ferrol

Cód. praza	Centro	Quenda	Prazas
678157	Caranza	T	1
679258	Cariño	M	1
678158	Fontenla Maristany	T	3
679158	Fontenla Maristany	M	1
678183	Narón	T	1
679847	Ortigueira-Mañón	M	1
678215	Pontedeume	T	1

X.A.P. Lugo

Cód. praza	Centro	Quenda	Prazas
679816	A Fonsagrada-Baleira-Castroverde	M	1
679838	Mondoñedo-Lorenzá	M	1
679048	Monforte de Lemos	M	1
679853	Sarria-Láncara	M	1
679085	Viveiro	M	1

Cód. praza	Centro	Quenda	Prazas
------------	--------	--------	--------

X.A.P. Ourense

Cód. praza	Centro	Quenda	Prazas
678435	Mariñamansa	T	1
677433	Novoa Santos	D	1
679814	O Barco-A Rúa	M	1
677389	O Barco	D	2

X.A.P. Pontevedra

Cód. praza	Centro	Quenda	Prazas
677295	A Estrada	D	1
678278	Cambados	T	1
679827	Cerdedo-Forcarei-Campo Lameiro	M	1
677305	Lalín	D	1
679808	Lalín-Agolada-Rodeiro-Dozón	M	1
677308	Marín-Casa do Mar	D	1
678374	Vilagarcía de Arousa	T	1
677374	Vilagarcía de Arousa	D	1
678326	Virxe Peregrina	T	1

X.A.P. Vigo

Cód. praza	Centro	Quenda	Prazas
679815	A Cañiza-Crecente	M	1
677304	A Guarda	D	2
678281	Cangas	T	1
678360	Colmeiro	T	1
678361	Cuba	T	2
678362	Doblada	T	1
677366	Lavadores	D	1
678363	López Mora	T	1
679367	Matamá	M	1
677807	Moaña	D	2
677584	Nicolás Peña	D	1
678334	Ponteareas	T	1
677339	Redondela	D	2
678369	Teis	T	2
677354	Tomíño	D	2

X.A.P. Santiago

Cód. praza	Centro	Quenda	Prazas
677101	Boiro	D	1
679182	Muros	M	1
679842	Muros-Carnota	M	1
679199	Oroso	M	1
677225	Ribeira	D	2
679225	Ribeira	M	1

ANEXO IV

Centros nos que poden existir prazas a resultas

X.A.P. A Coruña

Cód. praza	Centro	Quenda
679088	Abegondo	M
679482	Abente e Lago	M
679142	Adormideras	M
679477	Arteixo	M
679097	Bergondo	M
679099	Betanzos	M
677099	Betanzos	D
679693	Cabana-Cesullas	M
679113	Camariñas	M
679116	Cambre	M
678116	Cambre	T
679119	Carballo	M
679123	Carral	M
679146	Casa do Mar	M
679126	Cerceda	M
679136	Coristanco	M
679147	Culleredo	M

Cód. praza	Centro	Quenda	Prazas
------------	--------	--------	--------

679150	Curtis		M
679144	Elvira Mesoiro		M
679139	Federico Tapia		M
679143	Labañou		M
679166	A Laracha		M
679140	Matogrande		M
679176	Miño		M
679117	O Temple		M
679145	O Ventorrillo		M
679196	Oleiros-Perillo		M
677191	Oleiros-Santa Cruz		D
677197	Oleiros-Santa Cruz Mera		D
679137	Os Mallos		M
678137	Os Mallos		T
677587	Os Rosales		D
679228	Sada		M
679735	San Xosé A		M
678735	San Xosé A		T
679736	San Xosé B		M
679707	Torre Montealto		M

Área sanitaria Ferrol

Cód. praza	Centro	Quenda
------------	--------	--------

679216	As Pontes	M
679157	Caranza	M
679124	Cedeira	M
679828	Cerdido-Moeche-San Sadurniño-As Somozas	M
679155	Fene	M
677832	Fene-A Capela	D
679841	Mugardos-Ares	M
679183	Narón	M
679186	Neda	M
679850	Pontedeume-Cabanas-Monfero	M
679159	Serantes	M
679249	Valdoviño	M

X.A.P. Lugo

Cód. praza	Centro	Quenda
------------	--------	--------

679041	A Milagrosa	M
678041	A Milagrosa	T
679820	Becerreá-O Corgo	M
679829	Cervo-San Cibrao-Xove	M
679023	Chantada	M
679830	Cospeito-Castro Rei-Castro R. do Lea-Outeiro de Rei	M
679040	Fingoi	M
679563	Foz	M
679833	Guitiriz-Begonte-Rábade	M
679039	Illas Canarias	M
679836	Meira-A Pastoriza	M
679839	Monterroso-Taboada	M
679848	Palas de Rei-Friol	M
679038	Praza Ferrol	M
679851	Quiroga-Bóveda-O Saviñao	M
679068	Ribadeo	M
679043	San Roque	M
679075	Sarria	M
679042	Sdo. Corazón	M
679860	Vilalba-Abadín	M

X.A.P. Ourense

Cód. praza	Centro	Quenda
------------	--------	--------

679434	A Ponte	M
677434	A Ponte	D
679381	Allariz	M
679388	Barbadás-A Valenza	M
679389	O Barco	M
679427	Carballeira	M
679824	Carballiño-Boborás	M
679825	Carballiño-S. Cristovo de Cea	M
679402	Celanova	M
679826	Celanova-Bande	M
679661	Maceda-Castro Caldelas-Trives	M

Cód. praza	Centro	Quenda	Prazas
679435	Mariñamansa		M
679433	Novoa Santos		M
679451	Ribadavia		M
679852	Ribadavia-Coles		M
679436	Valle Inclán		M
677436	Valle Inclán		D
679467	Verín		M
679856	Verín-Gudiña-Mezquita		M
679857	Verín-Viana do Bolo		M
679554	Xinzo de Limia		M

X.A.P. Pontevedra

Cód. praza	Centro	Quenda
679720	Anafáns-Combarro-Raxó	M
679818	Baltar-Vilalonga-Sanxenxo	M
679819	Barro-Monteporreiro	M
679276	Bueu	M
679277	Caldas de Reis	M
679823	Caldas de Reis-Portas	M
679278	Cambados	M
679834	Illa de Arousa-Ribadumia	M
679379	Lérez	M
679307	Marín	M
679837	Meis-Meaño	M
679840	Moraña-Cuntis	M
679303	O Grove	M
679849	Ponte Caldelas-A Lama-Cotobade	M
679326	Pontevedra	M
679854	Silleda-Bandeira	M
679357	Valga	M
679372	Vila de Cruces	M
679858	Vilaboa-Soutomaior-Pontesampaio	M
679374	Vilagarcía de Arousa	M
679859	Vilagarcía de Arousa-Catoira	M
679778	Vilanova de Arousa-Baión	M

X.A.P. Vigo

Cod. Praza	Centro	Quenda
679280	Aldan-Hfo	M
679817	Arbo-As Neves	M
679275	Baiona	M
679364	Beiramar	M
679821	Bembrive-Mos	M
679281	Cangas	M
677358	Casco Vello	D
679337	Chapela	M
677512	Coia	D
679365	Coruxo	M
679831	Covelo-Mondariz-Mondariz Balneario	M
679361	Cuba	M
679362	Doblada	M
679302	Gondomar	M
679363	López Mora	M
679320	Mos	M
679322	Nigrán-Panxón	M
677323	Nigrán-Val Miñor	D
677329	O Porriño	D
679845	O Rosal-Oia	M
679360	Pintor Colmeiro	M
679334	Ponteareas	M
679671	Redondela-Fornelos-Pazos de Borbén	M
677585	Rosalía De Castro	D
679344	Salceda de Caselas	M
679345	Salvaterra de Miño	M
679689	Sardoma-Bembrive	M
679369	Teis	M
679356	Tui	M

X.A.P. Santiago de Compostela

Cód. praza	Centro	Quenda
679090	Ames-Bertamiráns	M
678090	Ames-Bertamiráns	T
679089	Ames-Milladoiro	M

Cód. praza	Centro	Quenda	Prazas
678089	Ames-Milladoiro		T
679095	Arzúa		M
679822	Boqueixón-Vedra		M
679107	Brión		M
677231	Concepción Arenal		D
679231	Concepción Arenal		M
678231	Concepción Arenal		T
679234	Conxo		M
679233	As Fontiñas		M
678233	As Fontiñas		T
679167	Lousame		M
679835	Mazaricos-A Baña		M
679267	Melide		M
679187	Negreira		M
679188	Noia		M
679844	O Pino-Touro		M
679198	Ordes		M
679846	Ordes-Frades-Meía		M
679203	Outes		M
679210	Padrón		M
679212	A Pobra do Caramiñal		M
679219	Porto do Son		M
679220	Rianxo		M
679226	Rois		M
679230	Santa Comba		M
679594	Teo		M
679855	Trazo-Tordoia		M
679250	Val do Dubra		M
679232	Vite		M

ANEXO V

Instrucións para a correcta formalización da instancia

*¿Onde obter o formulario de solicitude de inscrición?

Para obter/cubrir o formulario de solicitude de participación no concurso de traslados, poderá facelo por algunha das seguintes vías:

1. Cubrir o formulario electrónico publicado na páxina web do Servizo Galego de Saúde (a máis recomendable para o procesado da información).

a) Acceda á páxina web do Servizo Galego de Saúde de www.sergas.es.

b) Na páxina inicial, no apartado Recursos Humanos, pulse o punto Concurso de traslados.

c) Na epígrafe Impresos para a participación no proceso, na liña Solicitude de participación, faga click en Cubrir o formulario de participación electrónico.

d) Neste punto aparecerá unha pantalla na que vostede terá que rexistrarse cos seus datos persoais para poder acceder ao asistente de xeración da solicitude.

e) Nas seguintes pantallas, o asistente serviralle de guía nos pasos necesarios para completar a solicitude.

f) Utilice a opción Imprimir que aparece ao final do asistente (cuarto paso). Esta opción xera dúas copias do formulario, unha para entregar no rexistro e outra para o interesado.

2. Descargar o modelo de solicitude da páxina web do Servizo Galego de Saúde.

a) Acceda á páxina web do Servizo Galego de Saúde de www.sergas.es.

b) Na páxina inicial, no punto Recursos Humanos, pulse o punto Concurso de traslados.

c) No punto Impresos para a participación no proceso, na liña Solicitude de participación, faga click en Descargar o modelo de solicitude e abrírase o formulario na pantalla (en formato Acrobat), imprímalo, cúbrao e presénteo no rexistro. Nota: para quedar cunha copia, faga fotocopia deste unha vez cuberto.

3. Obter copia orixinal do modelo.

a) Será válido tamén a presentación do formulario do modelo impreso orixinal (non-fotocopiado) a que se refire o punto anterior, dispoñible nos servizos centrais e periféricos da Consellería de Sanidade e do Servizo Galego de Saúde e na maioría dos seus centros de xestión de atención primaria e especializada, xunto coas instrucións de formalización.

En calquera caso, lembre que:

Unha vez impreso o formulario de solicitude de participación debe ser presentado no rexistro xunto coa documentación solicitada nas bases da convocatoria do concurso de traslados.

ANEXO VI

MODELO DE CERTIFICADO DE SERVIZOS PRESTADOS

Don/a, xefe de servizo de persoal do...do que é director de Xestión ou Recursos Humanos...

CERTIFICO:

Que don/dona..., titular do DNI..., segundo os datos que constan neste centro estivo vinculado/a a esta institución sanitaria en virtude dos nomeamentos que a continuación se especifican:

CATEGORÍA	VÍNCULO	RX	TP	DESDE	ATA	T. HORAS	T. DÍAS
-----------	---------	----	----	-------	-----	----------	---------

Total días por categoría / vínculo / RX / TP / 000

***NO CASO DE QUE SE TRATE DE PERSOAL INTEGRADO NO RÉXIME XURÍDICO ESTATUTARIO SINALAR A DATA DE INTEGRACIÓN.

E para que conste, por petición do interesado, coa finalidade de presentar no concurso de traslados convocado por, na categoría de _____, código _____, expido esta certificación, en de de dous mil _____.

Visto e praceº
DIRECTOR DE XESTIÓN OU RECURSOS HUMANOS

Asdo.:

LEENDA:

RX: réxime xurídico – (L) laboral, (F) funcionario, (E) estatutario

TP: % tempo parcial / T.Días: total días traballados

UNIVERSIDADE DE SANTIAGO DE COMPOSTELA

Resolución do 21 de novembro de 2007 pola que se nomea catedrática de universidade a Ana María Bermejo Barrera.

De conformidade coa proposta elevada pola comisión nomeada para xulgar o concurso para a provisión de prazas dos corpos docentes universitarios, convocado

co nº 2065/07, mediante resolución desta universidade con data do 24 de xullo de 2007 (BOE do 14 de agosto), e presentada pola interesada a documentación a que fai referencia a base oitava da convocatoria,

Esta reitoría, no uso das atribucións conferidas polo artigo 65 da Lei orgánica 6/2001, do 21 de decembro, de universidades (BOE do 24 de decembro), o artigo 87 dos estatutos desta universidade e demais disposicións concordantes, resolveu: